

ADDENDA AO CONVENIO DE COLABORACIÓN ENTRE A CONSELLERÍA DE VIVENDA E PLANIFICACIÓN DE INFRAESTRUTURAS CONCELLO DE SAN CRISTOVO DE CEA PARA O FINANCIAMENTO DO PROXECTO DE HUMANIZACIÓN DE RÚAS EN CEA

REUNIDOS

Por unha banda, María Martínez Allegue, en nome e representación da Consellería de Vivenda e Planificación de Infraestruturas, actuando no exercicio do seu cargo, en virtude do Decreto 44/2024, do 14 de abril (DOG núm. 73 do 14 de abril) e en función das atribucións que lle confire o artigo 34.10 da Lei 1/1983, do 22 de febreiro, reguladora da Xunta e da súa presidencia.

Doutra parte, José Luis Valladares Fernández, alcalde-presidente do Concello de San Cristovo de Cea, no exercicio das atribucións conferidas no artigo 21 da Lei 7/1985, do 2 de abril, reguladora das bases do réxime local.

Ambas as partes recoñécense mutuamente, na calidade na que interveñen, capacidade legal suficiente para o outorgamento deste convenio e para o efecto,

EXPOÑEN

I.- Con data do 23 de xullo de 2025, asinouse un Convenio de colaboración entre a Consellería de Vivenda e Planificación de Infraestruturas e o Concello de San Cristovo de Cea para acometer o proxecto de humanización de rúas do casco antigo.

II.- Na cláusula segunda do convenio establécense os compromisos da consellería para levar a cabo as actuacións:

Contribuír ao financiamento das actuacións descritas na cláusula primeira, cunha achega económica máxima de catrocentos oitenta e oito mil cento cincuenta e un euros con tres céntimos (488.151,03 €), IVE engadido, equivalente ao 70 % do investimento total, que ascende a seiscentos noventa e sete mil trescentos cincuenta e oito euros con sesenta un céntimos (697.358,61 €), con cargo a aplicación orzamentaria 11.03.521A.762.0, código de proxecto 2015 00235, dos orzamentos xerais da Comunidade Autónoma.

O concello participará cunha achega de douscentos nove mil douscentos sete euros con cincuenta e oito céntimos (209.207,58 €), que representan o 30 % do investimento total.



O investimento distribúese nas seguintes anualidades:

Porcentaxes das achegas	2025	2026	Total
Consellería de Vivenda e Planificación de Infraestruturas (70%)	244.075,51 €	244.075,52 €	488.151,03 €
Concello de San Cristovo de Cea (30%)	104.603,79 €	104.603,79 €	209.207,58 €
			697.358,61 €

III.- En cumprimento do compromiso asumido no apartado 6 da cláusula terceira do convenio, o concello aprobou e presentou o 10 de decembro de 2025 a conta xustificativa correspondente á anualidade de 2025 no tempo e na forma prescritos no convenio.

Unha vez revisada e validada a documentación xustificativa a Dirección xeral de Urbanismo procedeu ao aboamento de 244.075,51 €, o 70% do importe total certificado, na conta bancaria indicada polo concello na solicitude de pagamento.

IV.- Logo de adxudicada a obra obxecto do acordo, o importe do contrato formalizado acada a contía de 653.773,70 €. Isto xustifica necesariamente a modificación do importe total establecido na cláusula segunda para adaptar os compromisos de cada unha das partes ao custo máximo das actuacións.

V.- As modificacións que se pretenden non varían o obxecto do convenio manténdose inalterables os exercicios orzamentarios previstos no convenio. Polo tanto, a aprobación do expediente non precisa autorización do Consello da Xunta.

En consecuencia, as partes acordan subscribir esta addenda para a modificación do convenio que se rexerá polas seguintes

CLÁUSULAS

Primeira.- Modificación da cláusula segunda. Compromisos da Xunta

1. A Xunta de Galicia, a través da Consellería de Vivenda e Planificación de Infraestruturas, asume os seguintes compromisos:



Contribuír ao financiamento das actuacións descritas na cláusula primeira, cunha achega económica máxima de catrocentos cincuenta e sete mil seiscentos corenta e un euros con cincuenta e nove céntimos (457.641,59 €), IVE engadido, equivalente ao 70 % do investimento total, que ascende a seiscentos cincuenta e tres mil setecentos setenta e tres euros con sesenta céntimos (653.773,70 €), con cargo a aplicación orzamentaria 11.03.521A.762.0, código de proxecto 2015 00235, dos orzamentos xerais da Comunidade Autónoma.

O concello participará cunha achega de cento noventa e seis mil cento trinta e dous euros con once céntimos (196.132,11 €), que representan o 30 % do investimento total.

O investimento distribúese nas seguintes anualidades:

Porcentaxes das achegas	2025	2026	Total
Consellería de Vivenda e Planificación de Infraestruturas (70%)	244.075,51 €	213.566,08 €	457.641,59 €
Concello de San Cristovo de Cea (30%)	104.603,79 €	91.528,32 €	196.132,11 €
			653.773,70 €

Esta axuda, de acordo co disposto no artigo 40.1º, letra d) do Decreto 11/2009, declárase compatible, no seu caso, con outras achegas, axudas ou subvencións que a entidade beneficiaria destine á execución das actuacións que se describen na cláusula primeira. Non obstante, a suma total de todas elas non poderá superar o 100% do orzamento total que require a actuación. Neste caso, a axuda establecida neste convenio reducirase ata acadar o cumprimento establecido anteriormente.

2. A Consellería de Vivenda e Planificación de Infraestruturas asumirá, ata o límite establecido no apartado 1 desta cláusula, o custo da execución das obras, unha vez que polo concello se presenten as correspondentes certificacións de execución dos traballos. Os aboamentos parciais que se efectúen, non superarán o 80% da porcentaxe subvencionable, nin excederán da anualidade correspondente ao exercicio orzamentario.

3. A Consellería de Vivenda e Planificación de Infraestruturas resérvase o dereito de inspeccionar a execución dos traballos en calquera momento, durante a súa execución.

4. Para os efectos do previsto no artigo 27 da Lei 9/2007, do 13 de xuño, de subvencións de Galicia, autorízase ao Concello de San Cristovo de Cea, beneficiario da subvención, para que subcontrate ata o 100% das obras obxecto de subvención. Tal autorización considérase concedida sen prexuízo, se é o caso, do cumprimento das previsións que establecen os números 3º e seguintes do devandito artigo 27.



Terceira.- Publicidade e rexistro

A sinatura da presente addenda suporá o consentimento expreso das partes asinantes para incluír e facer públicos os datos persoais que consten nela, e mailo resto de especificacións contidas na mesma, de conformidade co artigo 15 da Lei 1/2016, do 18 de xaneiro, de transparencia e bo goberno (DOG núm. 30 do 15 de febreiro) e o Decreto 126/2006, do 20 de xullo, polo que se regula o rexistro de convenios da Xunta de Galicia (DOG núm. 149 do 3 de agosto).

Cuarta.- Protección de datos de carácter persoal

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos), da Lei Orgánica 3/2018, de 5 de decembro, de protección de datos persoais e garantía dos dereitos dixitais, e demais normativa vixente de aplicación en cada momento en materia de protección de datos.

E para que así conste, de conformidade con canto antecede, no exercicio das atribucións de que son titulares os asinantes, e obrigando con iso ás Administracións que representan, asinan dixitalmente o presente acordo na data sinalada.

Pola Xunta de Galicia,
A conselleira de Vivenda e Planificación de Infraestruturas, María Martínez Allegue

Polo Concello de San Cristovo de Cea
O alcalde-presidente, José Luis Valladares Fernández

